

畿輔通志卷二百七

列傳十五 遼

遼

順天府

康默記

孫延壽

蕭延思

室昉

劉晞

子珂

韓德樞

延徽孫紹勳紹芳

馬得臣

郭世珍

張儉

楊佶

楊哲

楊績

劉伸

趙徽

王觀

楊遵勛

王鼎

王士方

牛溫舒

王吉甫

張衍

保定府

杜防

王棠

承德府

姚景行

竇景庸

太公鼎

永平府

馬保忠

河間府

劉景

子慎行

孫六符

口北三廳

耶律赫嚕

蕭罕都

耶律薩哈勒

耶律幹拉

耶律巴格

蕭塔喇噶

蕭素颯

子穆喇幹

蕭巖壽

蕭頁嚕

都勒幹

耶律阿息保

遵化州

韓知古

耶律隆運

弟德威 德凝 姪制
心 德威孫達魯噶

遼

順天府

康默記本名照少為薊州衙校太祖侵薊州得之愛其材隸
麾下蕃漢相涉事屬默記折衷之悉合帝意時諸部新附文
法未備默記推析律意論決重輕不差毫釐惟禁網者人人
自以為不冤拜左尙書神冊三年始建都默記董役人咸勸

趨百日而訖事五年為皇都伊勒希巴

原作夷
裔畢

太祖出師居

庸關命默記將漢軍進逼長蘆水寨俘馘甚眾天贊四年親
征渤海默記與韓知古從後大譴譟叛命諸將攻之默記分

薄東門率驍勇先登既拔與韓延徽下長嶺府

案續通志云
太祖紀默記

攻長嶺府時原作阿古軍還已下城邑多叛默記與阿古齊只接續通

志作阿平之破輝發原作城歸營大祖山陵畢卒佐命功臣

其一也孫延壽字允昌少倜儻遼史善騎射續通志嘗謂其所親

曰大丈夫為將當效節邊陲馬革裹屍景宗特授千牛衛大

將軍宋人攻南京諸將既成列延壽獨奮擊陣前敵遂大潰

以功遙授保大軍節度使乾亨三年卒遼史

蕭延思涿州人太宗皇后父也少習武藝有材力能左右射

從太祖平諸蕃嘗率騎數十深入敵陣屢戰有功太宗授石

晉時延思已死每歎曰斯人尙在中原不足平也終北面都

部署遼興節度使契丹國志

室昉字夢奇南京人幼謹厚篤學不出外戶者二十年雖里

人莫識會同初登進士第為盧龍巡捕官太宗入汴受冊禮

詔昉知制誥總禮儀事天祿中爲南京留守判官應歷間累遷翰林學士出入禁闥十餘年保寧間兼政事舍人數延問古今治亂得失奏對稱旨改南京副留守決訟平允人皆便之遷工部尙書尋改樞密副使參知政事頃之拜樞密使兼北府宰相加同政事門下平章事乾亨初監修國史統和元年告老不許進尙書無逸篇以諫太后問而嘉獎二年秋詔修諸嶺路昉發民夫二十萬一日畢功是時昉與韓德護耶律色珍原作斜珍相友善同心輔政整析蠹弊知無不言務在息

民薄賦以故法度修明朝無異議八年復請致政詔入朝免拜賜几杖太后遣閤門使李從訓持詔勞問令常居南京封鄭國公初晉國公主建佛寺於南京帝許賜額昉奏曰詔書悉罪無名寺院今以主請賜額不惟違前詔恐此風愈熾帝

從之表進所撰實錄二十卷手詔褒之加政事令賜帛六百匹九年薦韓德讓自代不從帝以昉年老苦寒賜貂皮衾褥許乘輦入朝病劇遣翰林學士張幹就第授中京留守加尙父卒年七十五賜尙書令遺言戒厚葬恐人譽過情自志其

墓

遼史

劉晞

通鑑注云晞實錄作倍或云作稀今從陷蕃錄

涿州人歷官至樞密使同平章

事兼侍中燕京留守大同中爲西京留守太宗入汴遣述軋

拽刺等戍洛陽趙在禮入謁拜庭下皆踞坐受之晞至詔曰

趙在禮漢家大臣爾北方一首長耳安得慢之如此立於庭

下以挫之由是洛人始安

涿州志

次子珂尙世宗妹燕國公主

少善射以材能稱性謹重未嘗有過爲太宗所知太宗南征戰於定州帝深入馬陷泥濘中珂下馬奉帝出身被數十創

流血被體太宗壯之遷林牙行宮都部署西北路兵馬招討

使從入大梁授同知京府事尋授樞密使封吳王

契丹國志

韓德樞幽州安次人魯國公延徽之子年甫十五太宗見之

謂延徽曰是兒卿家之福朕國之寶真英物也未冠守羽林

大將軍遷特進太尉時漢人降與轉徙者多寓東平丁歲畱

饑饉疾癘德樞請往撫字之授遼興軍節度使下車整紛剔

蠹恩煦信孚勸農桑興教化期月民獲蘇息入爲南院宣徽

使遙授天平節度使平灤營三州管内觀察處置等使門下

平章事已而加開府儀同三司行侍中封趙國公保甯元年

卒

遼史

紹勳延徽孫官東京戶部使會燕薦饑民怨亂東京舍

利軍詳穩大延琳因之爲變囚留守蕭孝先

東安縣志

紹勳被執

詞不屈賊以鋸解之憤罵至死

遼史

紹芳紹勳弟開泰九年爲

樞密都承旨

據百官志增

太平四年為樞密直學士

據聖宗紀增

重熙

間參知政事加兼侍中時庭議征李元昊力諫不聽出為廣

德軍節度使聞敗嘔血卒

遼史

資讓延徽曾孫大安八年參知

政事為中京留守

據道宗紀增

壽隆初知樞密院事拜中書侍郎

平章事會宋徽宗嗣位遣使來報有司按籍有登寶位文坐

是出為崇軍節度使改鎮遼興卒

遼史

馬得臣南京人好學博古善屬文尤長於詩保甯閒累遷政

事舍人翰林學士常預朝議以正直稱乾亨初宋師屢犯邊

命為南京副留守復拜翰林學士承旨聖宗即位皇太后稱

制兼宣政殿學士

案續通志云原文作侍讀學士考遼百官志有諸王伴讀無侍讀學士今依聖宗紀

改帝閱唐高祖太宗元宗三紀得臣乃錄其行事可法者進

之及扈從伐宋進言降不可殺亡不可追二三其德者別議

詔從之俄兼諫議大夫知宣徽院事時帝擊鞠無度上書諫
曰臣竊觀房元齡杜如晦隋季書生向不遇太宗安能爲一
代名相臣雖不才陛下在東宮幸列侍從今又得侍聖讀未
有裨補聖明陛下嘗問臣以貞觀開元之事臣請畧陳之臣
聞唐太宗侍太上皇宴罷則挽輦至內院元宗與兄弟勸飲
盡家人禮陛下嗣祖考之祚躬侍太后可謂至孝臣更望定
省之餘睦六親加愛敬則陛下親親之道比隆二帝矣臣又
聞二帝耽玩經史數引公卿講學至於日昃故當時天下翕
然嚮風以隆文治今陛下游心典籍分解章句臣願研究經
理深造而篤行之二帝之治不難致矣臣又聞太宗射豕唐
儉諫之元宗臂鷹韓休言之二帝莫不樂從今陛下以球馬
爲樂愚臣思之有不宜者三竊以君臣同戲不免分爭君得

臣愧彼負此喜一不宜躍馬揮杖縱橫馳騫不顧上下之分
爭先取勝失人臣禮二不宜輕萬乘之尊圖一時之樂萬一
有銜勒之失其如社稷太后何三不宜倚陛下不以臣言爲
迂少賜省覽天下之福羣臣之願也書奏帝嘉歎良久未幾
卒贈太子太保詔有司給葬

遼史

郭世珍渤海人景宗時爲太尉司徒統和六年承天太后侵
宋俘獲甚衆師次范陽世珍言降卒皆有父母妻子不無懷
土之情驅而之北終不爲用願放歸鄉國太后嘉納縱者數

萬人祀鄉賢

通州志

張儉宛平人性端慤不事外飾統和十四年舉進士第一調
雲州幕官故事車駕經行長吏當有所獻聖宗獵雲中節度
使進曰臣境無他產惟幕僚張儉一代之寶願以爲獻先是

帝夢四人侍側賜食人二口至聞張儉名始悟召見容止樸野訪及事務占奏三十餘事由此顧遇特異踐歷清華號稱明幹開泰中累遷同知樞密院事

案聖宗本紀儉以開泰二年爲政事舍人七年守司徒兼政

事令

太平五年出爲武定軍節度使移鎮大同六年入爲

南院樞密使帝乃眷倚參知政事吳叔達與儉不相能帝怒黜叔達爲康州刺史拜儉左丞相封韓王帝不豫受遺詔輔立太子是爲興宗賜貞亮宏靖保義守節耆德功臣拜太師中書令加尙父徙王陳重熙五年帝幸禮部貢院及親試進士皆儉發之進退不名賜詩褒美儉衣惟紬帛食不重味月俸有餘賙給親舊方冬奏事便殿帝見衣袍敝惡密令近侍以火夾穿孔記之屢見不易帝問其故儉對曰臣服此袍已三十年時尙奢靡故以此微諷諭之帝憐其清貧令忍取內

府物儉奉詔取布二端而出益見獎重儉弟五人帝欲俱賜進士第固辭有司獲盜八人既戮之乃獲正賊家人訴冤儉三乞申理帝勃然曰卿欲朕償命耶儉曰八家老稚無告少加存恤使得收葬足慰存沒矣乃從之儉在相位二十餘年裨益爲多致政歸第會宋書辭不如禮帝將親征幸儉第尙食先往具饌卻之進葵羹乾飯帝食之美徐問以策儉急陳利害且曰第遣一使問之何必遠勞車駕帝悅而止

案續通志云資

治通鑒長編云河北旣罷兵雄州治城壘不輟遼主問張儉曰南朝尙修城備得毋違誓儉曰知雄州李允則其人長者不足疑與本傳所載相類復卽其第賜宴器玩悉與之十二年薨年九十

一敕葬宛平縣

遼史

楊佖字正叔南京人幼穎悟異常讀書自能成句識者奇之弱冠聲名藉甚統和二十四年舉進士第一歷校書郎大理

正開泰六年轉議曹郎典常書命加諫議大夫出知易州治
尙清簡徵發期會必信入爲大理少卿累遷翰林學士文章
號得體八年燕地饑疫民多流殍以佶同知南京留守事發
倉廩賑乏絕貧民鬻子者計傭而出之宋遣梅詢賀千齡節
詔佶迎送多唱酬詢每見稱賞復爲翰林學士重熙元年升
翰林學士承旨母憂起復工部尙書歷忠順軍節度使朔武
等州觀察處置使天德軍節度使加特進檢校太師同中書
門下平章事復拜參知政事兼知南院樞密使十五年出爲
武定軍節度使境內亢旱苗稼將槁視事之夕雨澤霑足百
姓歌曰何以蘇我上天降雨誰其撫我楊公爲主灤陽水失
故道歲爲民害乃以已俸創長橋人不病涉及被召郡民攀
轅泣送帝御清涼殿宴勞之卽日除吏部尙書

案興宗紀重熙十一年佶

自宣政殿學士爲吏部尚書與本傳異

兼門下侍郎同中書門下平章事帝曰

卿今日何減呂望之遇文王佶對曰呂望比臣遭際有十年之晚帝悅其居相位以進賢爲已任事總大綱責成百司人人樂爲之用三請致政許之月給錢粟僉隸四時遣使存問卒有登瀛集行於世

遼史

楊哲字昌時安次人幼通五經大義聖宗聞其穎悟召試詩授祕書省校書郎太平十一年擢進士乙科爲著作佐郎重熙十二年累遷樞密都承旨權度支使登對稱旨進樞密副使歷長甯軍節度使山西路轉運使知興中府清甯初入知南院樞密使與姚景行同總朝政請行柴冊禮封趙國公以足疾復知興中府咸雍初徙封齊召賜同德功臣尚書左僕射兼中書令拜樞密使改封晉給宰相樞密使兩廳僉從封

趙王屢請歸政益賜保節功臣致仕太康五年例改遼西郡

王卒

遼史

楊績

續通考作馬績誤

良鄉人太平十一年進士及第累遷南院樞

密副使與杜防韓知白等擅給進士堂帖降長甯軍節度使徙知涿州清甯初拜參知政事兼同知樞密院事爲南府宰相九年間重元亂與姚景行勤王十年知興中府咸雍初入知樞密院事二年乞致仕不許拜南院樞密使帝以績舊臣

特召燕見論古今治亂人臣邪正帝曰方今人臣忠直耶律玦劉伸而已然伸不及玦之剛介績拜賀曰何代無賢世亂則獨善其身主聖則兼濟天下陛下銖分邪正升黜分明天下幸甚累表告歸不許封趙王太康中以例改王遼西致仕加守太保卒子貴忠知興中府

遼史

劉伸字濟時宛平人少穎悟長以詞翰聞重熙五年登進士第歷彰武軍節度使掌書記大理正因奏獄帝適與近臣語不顧伸進曰臣聞自古帝王必重民命願陛下省臣之奏帝大驚異擢樞密都承旨權中京副留守詔徙富民實春泰二州伸以爲不可奏罷之遷大理少卿人以不冤稱升大理卿改西京副留守以父憂終制爲三司副使加諫議大夫提點大理寺以伸明法而恕案冤獄全活者衆徙南京副留守俄改崇義軍節度使政務簡靜民用不擾優詔褒之改戶部使歲入羨餘錢三十萬緡拜南院樞密副使道宗嘗謂大臣曰今之忠直耶律玦劉伸而已宰相楊績賀其得人拜參知政事諭之曰卿勿憚宰相北院樞密使伊遜原作乙辛續勢焰通志作伊蘇方熾伸奏曰臣於伊遜尙不畏何宰相之畏伊遜銜之相與

排詆出爲保靜軍節度使帝終欲大用加守太子太保遷上京留守伊遜以事出鎮雄武復以崇義軍節度使致仕適燕薊民饑伸與致仕趙徽韓造日濟以糜粥所活不勝算大安

二年卒

遼史

趙徽南京人重熙五年擢甲科爲太子中舍賜緋衣銀魚

據興

宗紀增

累遷大理正清甯二年鞫銅州獄稱旨歷煩劇有能名

累遷翰林學士承旨咸雍初爲度支使三年拜參知政事出

爲武定軍節度使及代軍民請留後同知樞密院事兼南府

宰相門下侍郎平章事致仕卒追贈中書令諡文憲

遼史

王觀南京人博學有才辯重熙七年中進士乙科興宗崩充

夏國報哀使還除給事中咸雍初遷翰林學士五年兼乾文

閣學士七年改南院樞密副使賜國姓參知政事兼知南院